

Organoak ematea eskatutako hamar kasutik bederatzitan onartzen du familiak

Miloi bat biztanleko batez beste 50 donazio izango dira aurten ere EAEn

Luis Karlos Garcia / Gasteiz

Hildako senidearen organoren bat emateko eskatzen zaien hamar familiatik bederatzik baiezkua erantzuten dute Araban, Bizkaian eta Gipuz-

koan. Gabriel Inclan Osasun sailburuak «gizartearen elkarlan aparta» txalotu, eta, orain arteko batez bestekoari eutsiz gero, urte amaieran miloi bat biztanleko 50 donazio lortuko direla ziurtatu zuen. Tasa hori

munduko onena izango litzateke berriro, eta, gauzak horrela izanik, kontseilariaren esanetan «pribilejio handiko egoeran» dihardute EAEn organoen ematearekin zerikusi duen alorrean.

SAILBURUAK ATZO esan zuenez, «EAEko gizarteak bikain (9) lortu du elkartasunean». Izan ere, hildako senidearen organoren bat eskatu zitzaizen familien %90ek baiezkua eman zuten iaz. Espainiako Estatuko tasa baino 15 puntu handiago dela nabarmendu zuen.

Sailburuak prentsaurrekoa eskaini zuen Organoemailearen Astea dela eta. Inclanekin batera, giltzurruna, bihotza edo gibela ematea bultzatzen duten elkarteetako arduradunak agertu ziren.

Inclanek azaldu zuen oso litekeena dela urte amaieran miloi bat pertsonako 50 donazio lortzea, hots, Espainiako tasa baino ia 20 puntu gehiago. EAEkoa, beraz, munduko handiena izango litzateke berriro ere.

«Pribilejiozko egoeran gabilta, baina hau ez da kasualitatea, ospitaleetako langileen lana primerakoa baita, betiere Ertzaintza, SOS-Deiak, epaitegi eta aireportuekin elkarlan estuan», adierazi zuen.

Hala, 6.500 pertsonak hartu dute organo edo ehunen bat donazio ekimena hasi zenez geroztik. Organoei dagokienez, 1.570 laguni giltzurruna jarri diete, eta gibela, berriz, 358 gaixori. Ehunen donazioan, berriz, 4.650 pertsonak hartu dute noiz-bait.

Hala eta guztiz ere, Inclanek nabarmendu zuen gaur



JOSEBA OLALDE

Gaixoen aldeko elkarteetako arduradunak eta Gabriel Inclan sailburua, atzo, Lakuan prentsaurrekoa eman aurretik.

egun 600 gaixo daudela dialisian, organoa noiz helduko zain. «Beraz, jarraitu egin behar da», eskatu zuen sailburuak.

Sentiberatasuna piztu dute gaixoen elkarteek

Osasun sailburuaren irudiko, herritarren partaidetza eragin du gaixoen elkarteek urteetan egindako lanak: «Elkarteek, osasun erakundeekin batera, gizarteak

organoen emateaz ikuspegi positiboa izatea ekarri dute».

Elkarteetako arduradunek biztanleriaren jarrera eta kontseilariaren adierazpenak eskertu zituzten. «Sintonia onean gabilta», azaldu zuten Osakidetzarekin eta Osasun Sailarekin duten harremanaren inguruan.

Gaixoen taldeek nagusiki hiru lan mota egiten dituzte: itxarote zerrendan nahiz ebakuntza eginda direnen aldeko laguntza psiko-sozia-

la; elkarlana osasun langileekin, medikuaren eta gaixoren arteko harremana hobetzeko asmoz, eta gizartea ohartaraztea donazioaren beharraren gainean.

Elkarteok 25 urte inguru eman dituzte kontzientziatze kanpainak antolatzen. «Emitza bistan da, gero eta familia gutxiagok ematen dute ezezkoa, eta Euskal Autonomia Erkidegoan 150.000 organo-emaile txartel eman ditugu», esan zuten.

Bihotzeko errehabilitazioak heriotza tasa murrizteko duen eragina aztertzen ari dira

■ Gaixoen erretzeari uztea erabakigarria dela uste du Inclanek

L.K.G. / Gasteiz

BIHOTZKO errehabilitazioak gaixo koronarioen artean heriotza tasa gutxitzeko duen eragina aztertzen ari dira Donostia Ospitale Guneako ikerlariak, eta Gabriel Inclan Eusko Jaurlaritzako Osasun sailburuak Legebiltzarreko Batzordean esan zuenez, datorren urtean jakinaraziko dituzte azterlanaren ondorioak.

Sailburuak onartu zuen nazioarteko ikerketa batzuek diotela %25 heriotza inguruko murrizketa eragin duela ospitaleratzetik bi urte eman dituzten artean, baina, hala ere, geure burua ez engainatzeko eskatu zuen. «Emitza onen arrazoi nagusia izan ohi da gaixoak berak erretzeari utzi izana», deklaratzen zuen.

Nolanahi ere, abian den azterketak zehaztuko du osasun sisteman zer hobekuntza mota ezarri behar diren indarrean. Izan ere, Inclanek aipatu zuenez, «Euskadin ez dugu kanpoko kopiaitzeko asmorik».

Beste alde batetik, EAEko osasun arloari kontratu-programak ekarritako ondorioei buruz PSE-EEK egindako galderari ere erantzun zion Inclanek.

Sistemaren kalitatearekin zerikusi zuzena ez duela adierazi zuen Inclanek. Baina, dena den, «finantzabidean mesedegarri» gertatzeaz gain, nola kotasunean ere «eragin positiboak» izan dituela adierazi zuen.

TXIMINIA ALTZARIAK

ALTZARIAK AUKERAN

1000 metroko erakusketa - Prezio harrigarriak

Punta-puntako markak %50ean: Altzari-trinko, Lastaira eta Lastaira-azpikoen aukera handia

Sofa eta Besaulkiak, Logelak, Aulkiak, Mahaiak

Ehunka Altzairu %50ean

Mallatu txikiak eta gabekoak

LA CHIMENEA
altzariak

Osinalde poligonoa
Tel.: 943 37 09 66 - **USURBIL**

95.5 / 103.7 / 88.8 MHz

Xiberoak
eraik beza
botza

95.5 / 103.7 / 88.8 MHz

Xiberoak botza

ALKARREKI ERAIK DEZAGÜN XIBEROKO BOTZA !

Izen - deitura

Helbidea

Herrialdea

☐ 1000 pezetako laguntza bat ematen diot Xiberoako Botzari

☐ 2000 pezetako laguntza bat ematen diot Xiberoako Botzari

☐ 5000 pezetako laguntza bat ematen diot Xiberoako Botzari

☐ pezetako laguntza bat ematen diogu Xiberoako Botzari

Gure kontu korrentearen ezaugarriak : Kutxa

2101 0045 91 001092747.3

Xiberoak eraik beza botza - P.K 7 - 64 130 MAULE